

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14), Pravilnika o postupku direktnog sporazuma („Sl. glasnik BiH“, broj 90/14), Pravilnika o postupku direktnog sporazuma J.U. Zavoda za javno zdravstvo Kantona Sarajevo, te na osnovu Odluke o izboru ponuđača putem direktnog -3489-Odluka o izboru/20 od 22.06.2020. godine, zaključuju slijedeće:

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Prof.dr.med.sci. Aida Pilav, direktorica (u daljem tekstu: Ugovorni organ)

i

„**AUTOCENTAR BH**“ d.o.o. Sarajevo, ul. Džemala Bijedića br. 165 B, identifikacioni broj: 4200437090002, koga zastupa direktor: Saud Selmanović. (u daljem tekstu: Izvršilac posla), zaključili su:

UGOVOR O SUKCESIVNOM VRŠENJU USLUGA TEHNIČKOG PREGLEDA I REGISTRACIJE SLUŽBENIH VOZILA

Član 1.

Ovim Ugovorom se utvrđuje način i uslovi pod kojima „**AUTOCENTAR BH**“ d.o.o. Sarajevo, sukcesivno vrši usluge tehničkog pregleda i registraciju službenih vozila, za potrebe Ugovornog organa.

Član 2.

Predmet ovog Ugovora je vršenje usluga tehničkog pregleda i registraciju službenih vozila za period od godinu dana od dana potpisivanja Ugovora na osnovu zahtjeva Ugovornog organa.

Izvršilac se obavezuje da usluge navedene u prethodnom stavu vrši prema cijenama navedenim u ponudi 01/-313/20 od 19.06.2020. godine, koja je sastavni dio ovog Ugovora.

Izvršilac se obavezuje da cijene navedene u Obrascu za cijene neće mijenjati, u period od jedne godine od dana zaključivanja Ugovora.

Izvršilac se obavezuje da će predmetne usluge izvršiti u roku od 48h od datuma zahtjeva Ugovornog organa.

Izvršilac se obavezuje da će predmetne usluge izvršavati blagovremeno, u ugovorenom roku, stručno i kvalitetno, a sve prema dostavljenoj Ponudi

Član 3.

Ukupna vrijednost Ugovora iznosi 3.859,72 KM bez PDV-a, odnosno sa PDV-om iznosi 4.099,90 KM.

Plaćanje izvršenih usluga Ugovorni organ će vršiti na žiro račun izvršioca u roku od 30 dana od dana dobijanja fakture.

Plaćanje iz prethodnog stava vrši se po fakturi Izvršioca, na žiro račun broj: 1327310010171258 otvoren kod NLB banke.

Član 4.


Ugovorne strane mogu otkazati ovaj Ugovor pismenim putem.

Ugovor se smatra otkazanim u roku od 30 dana od dana prijema pismenog Obavještenja o otkazu Ugovora.

Član 5.

Svaka promjena ugovornih odredbi povlači za sobom sačinjavanje posebnog Anexa ugovora.

Do potpisivanja Anexa Ugovora obustavlja se izvršenje ugovornih obaveza.



Član 6.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

Član 7.

Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 8.

Ovaj Ugovor se smatra zaključenim danom potpisavanja Ugovornih strana, a primjenjuje se u periodu od najduže jedne godine od dana zaključenja Ugovora ili do isteka otkaznog roka iz člana 4. ovog Ugovora

„AUTOCENTAR BH” d.o.o.
SARAJEVO
DIREKTOR



(Saud Selmanović, dipl.inž.maš.)

Broj: 02-39/20

Sarajevo, 02.07.2020. godine.



(Prof.dr.med.sci. Aida Pilav)

Broj: 0542-161-3489-Ugovor/20

Sarajevo, 29.06.2020. godine.